



Inatsisartunut ilaasortaq Anthon Frederiksen, Partii Naleraq
MAANI

Rubiinit pillugit § 37 naapertorlugu apeqquteqaammut nr. 2015-131-imut akissut

Inatsisartut suleriaasianni § 37, imm. 1 naapertorlugu Naalakkersuisunut matuma kingulianiittunik apeqquteqarputit, taakkualu apeqqutit True North Gems Greenland A/S-imut pisinnaatitsissummut 2014/21-imut tungassuteqartut naatsorsuutigalugu matumuuna akineqarput.

1. juni 2015
Sagsnr. 2015-110245

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: mmr@nanaoq.gl
www.naalakkersuisut.gl

1. Qeqertassuatsiaat eqqaaniit rubinit misileraatitut ukiorpaalussuarni annissukat maannakut sumiippat?

Akissut:

Pisinnaatitsissummik pigisaqartup korund-it (ilangullugit rubinit) på to adresser i Vancouverimi, Britisk Columbia-miittumi (Canada) najukkani marlunni aammalu The City of New York-imi (USA) najukkami ataatsimi inissisimatippai. Tamatuma saniatigut pisinnaatitsissummik pigisaqartup qillerummit qaqitat Vancouver-imi, Britisk Columbia-miittumi (Canada) najukkami ataatsimi kiisalu ujaqqat qaarsuameersut Lakefield-imi, Ontario-miittumi (Canada) najukkami ataatsimi inissisimatippai.

2. Taakku qanoq pilersaaruteqarfigineqarpat aamma qanoq oqimaassuseqarpat?

Akissut:

Korund-it (ilangullugit rubin-it) aatsitassarsiorluni misissuinerup nalaani piiarneqartut, aatsitassanut ikummatissanullu inatsit naapertorlugu akuersissuteqarnerni aamma akuersissutini piumasaaqatini pineqartunut ilaapput, tassanilu ilaatigut ilaavoq aatsitassanik tunisineq niuerfimmi akigititanut aammalu tuniniaariaatsit aatsitassanut oqartussaasumit akuerineqartut naapertorlugit pissasoq. Tunisinissaq sioqqullugu aatsitassanut oqartussaasoq, korund-inik ujaqqanik pinneraasiassalerinikkut misissueqqissaarnermik, aatsitassanut oqartussaasup korund-it nalinganik missiliuinerani atorneqartussamik, ingerlatsissaaq.

Pisinnaatitsissummik pigisaqartup korund-iutaasa ataatsimut katillugu oqimaassusaa korund-it silisat 15.365 karat-itut (korund-it silisat 3.073 gram-it annertoqqataat), korund-it suliarineqanngitsut 299.797 gram-inik aamma ujaqqat qaarsuameersut korund-inik akoqartut 1.400 kg-inik annertussuseqarput.

3. Taakku rubinit qulaani eqqartorneqartut nunatsinnut utertinneqarnissaat aningaasaqarnikkullu iluaqutigineqarnissaat qanoq takorloorneqarpat?

Akissut:

Korund-inut (ilangullugit rubinit) aatsitassarsiorluni misissuinerup nalaani piiarneqartunut aammalu maannakkorpiaq Canada-mi aamma USA-mi inissisimatinneqartunut tunngatillugu, aatsitassanut oqartussaasup ujaqqanik pinneraasiassalerinikkut nalilersuineri Kalaallit Nunaanni imaluunniit assersuutigalugu Canada-mi ingerlanneqassanersoq sulii aalajangiisoqanngilaq.

Taamaattoq aatsitassanut oqartussaasoq qanoq pisoqaraluarpalluunniit korund-inik aatsitassarsiorluni misissuinerup nalaani piiarneqartunik ujaqqanik pinneraasiassalerinikkut nalilersuinermik suliaqassaaq aammalu aatsitassanut oqartussaasup tunisinissaq sioqqullugu tuniniaariaaseq akuersissuteqarfigisussaavaa.

4. Qeqertarsuatsiaat eqqaani "Aappaluttumi" rubinit piiarneqartussat annissuunneqarnissaat qanoq nakkutigineqartussaava?

Akissut:

Korund-it (ilanngullugit rubin), piianerup immikkoortuata nalaani piiarneqartut, sumiiffimmi akuersissuteqarfiusumi qaarsuut piiarneqarnerannit tunisinermut atatillugu pisisumut, tamatuma Kalaallit Nunaanni imaluunniit Kalaallit Nunaata avataani pinera apeqqutaatinnagu, aatsitassanut oqartussaasumit malinnaaffigineqassapput.

Korund-it pisinnaatitsissummik pigisaqartup korund-inut naatsorsugaannik pissarsisinnaanera aqqutigalugu, aatsitassanut oqartussaasup nammineerluni korund-inut misissuilluni naatsorsugaanni, pisinnaatitsissummik pigisaqartup ingerlaavartumik nalunaarutiginnittarneratigut kiisalu aatsitassanut oqartussaasup suliap ingerlanerani killiffinni assigiinngitsuni korund-inik ornigulluni takusaaneratigut aatsitassanut oqartussaasumit malinnaaffigineqarput. Aatsitassanut oqartussaasup ujaqqanik pinneraasiassalerinikkut nakkutiginninnermi immikkoortiterisarnera aamma korund-it nalinginik aalajangersaasarnera, piianermut immikkoortup nalaani ornigulluni misissuisarnernut ilaapput aammalu avammut annissuinissaq aamma tunisinissaq sioqqullugu ingerlanneqartarlutik.

Aatsitassanut oqartussaasup nakkutiginninneranut tapiliullugu pisinnaatitsissummik pigisaqartoq nammineerluni misissueriaaseqarpoq, ilaatigut killiffinni assigiinngitsuni annertussutsit naatsorsorneqartarnerat ilaatigullu tillinniartoqarsinnaaneranut isumannaallisaaneq aallunneqarlutik. Periaatsit taakkua tamatuma saniatigut aatsitassanut oqartussaasumit akuersissuteqarfigineqartussaapput.

5. Rubinit pitsaassusaat aamma akitigut nakkutillineq qanoq ingerlanneqarniarpat?

Akissut:

Avammut annissuineq aamma tunisinissaq sioqqullugu Aatsitassanut oqartussaasoq pisinnaatitsissummik pigisaqartup korund-inik (ilanngullugit rubin-it) immikkoortiterineranik misissuisarpoq. Immikkoortiterineq angissusaat, qalipaataat pitsaassusaallu malillugit ingerlanneqartarpoq.

Immikkoortiterineq tunngavigalugu Aatsitassanut oqartussaasoq pisussaaffiliinngitsumik missiliuilluni korund-inik nalilersuisarpoq, nunani allani korund-inut taamaaqataannut niuerfinni akigititat kiisalu siusinnerusukkut korund-inut Kalaallit Nunaanneersunut taamaaqataannut tunisinermi akigititat anguneqarsimasut aallaavigineqartarlutik.

Niuerfinni akigititanik piviusunik angusaqarnissaq siunertaralugu Aatsitassanut oqartussaasup tunisinissaq sioqqullugu tuniniaariaaseq akuersissuteqarfigisussaavaa, aammalu Aatsitassanut oqartussaasup tunisinerup ilaanut killissaliussassat pingaarnertigut nassuiareersimasarpai. Tunisineq sunaluunniit nalunaarsorneqartarpoq, aammalu tunisinermi akigititassatut anguneqartut niuerfimmi akigititatut piviusutut

uppernarsineqarsinnaanersut uppernassusersiniarlugit Aatsitassanut oqartussaasoq akigititanik nalilersueqqissaarnermik ingerlatsisarpoq.

6. Rubiinik piiaanissami arlaannaanulluunniit attuumassuteqanngitsunik nalilersuisoqartassuaa?

Akissut:

Aap. True North Gems Greenland A/S-imut piiaanissamut akuersissummi nr. 2014/21-imi artikel 10 naapertorlugu Aatsitassanut oqartussaasoq pisussaaffiliinngitsumik korund-inik (ilanngullugit rubin-it) missiliuilluni naliliisussaavoq.

7. Arlaannaanulluunniit attuumassuteqanngitsunik nakkutilliisoqassavaa?

Akissut:

Aap, Aatsitassanut oqartussaasoq akuttoqqatigiinnik nakkutilliinermik ingerlatsiniarpoq. Nalunaarutigineqartumik aammalu nalunaaruteqaqqarani nakkutilliineq ingerlanneqassalluni.

8. Aatsitassarsiornermut inatsit maannakkut atuuttumiit ujaqqat pinnersaatissat immikkoortillugit allamik inatsisiliuunneqarnissaat Naalackersuisut qanoq isumaqarfigaat?

Akissut:

Suliassaqarfiup taassuma annertunerusumik sammineqarnissaanut periarfissat arlaqarput. Periarfissaavoq, siunnersuutigineqartut, ujaqqat pinnersaasiassat aatsitassanut ikummatissanullu inatsimmit nalinginnaasumit immikkoortilluinnarnissaat aammalu Ujaqqanut pinnersaasiassanut inatsisiliornissaq. Periarfissaq alla tassaavoq aatsitassanut ikummatissanullu inatsimmi aalajangersakkat nalinginnaasut atuutsiinnarnerat aammalu nalunaarummik ujaqqanut pinnersaasiassanut suliassaqarfimmi aalajangersakkanut immikkuullarissunut aalajangersimasunullu tunngasumik, suliaqarneq.

Taakkua periarfissaapput, suleqataasut attuumassuteqartut tamaasa oqaloqatigalugit erseqqinnerusumik misissorneqartariaqaraluartut, tasanilu ilaapput Aatsitassanut Ataatsimiititaliaq aamma annikitsumik aatsitassarsiornissamut akuersissummik pigisaqartut.

Inussiarnersumik inuulluaqqusillunga



Andreas Uldum